



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

10. Lotharius Lotharingiae Rex primus, Lotharij Imp. filius, an. 860. dat
monasterio S. Dionysij in Francia & dioecesi Parisiensi, mansum vnum ex
fisco Valentianensi.

urn:nbn:de:hbz:466:1-10903

C A P V T . X.

*Lotharius Lotharingiae Rex primus, Lotharij Imp. filius, anno 860.
dat monasterio S. Dionysij in Francia, & diaœcœsi Parisiensi,
mansum vnum ex fisco Valentianensi.*

IN nomine omnipotentis Dei & Saluatoris nostri Iesu Christi.
HLOTHARIUS diuina præueniente clementia Rex.

Nouimus religione Christianitatis imbuti, omnia quæ ex facultatibus nostris, ob honorem & reuerentiam gloriosorum martyrum, sacris conferimus locis, ad sempiternam pertinere beatitudinem; eorumque pijs interuentionibus nos in præsenti sœculo suffragari, & à proprijs ab olui delictis, minimè dubitamus.

Comperiat itaque omnium sanctæ Dei Ecclesiæ fidelium ac nostrorum, præsentium videlicet futurorumque industria, quia Wernodus, fidelis excellentiæ nostræ ministerialis, nec non & Deodatus, monachus & Archicustos ecclesiæ S. Dionysij, ubi idem inclytus martyr Christi corpore veneratur, ac Hludouicus, dilectus consanguineus noster, Abba & rector esse videtur, implorauerunt sublimitatem nostram:

Quatenus eidem ecclesiæ ac B. Dionysio, aliquantulum ex rebus nostræ proprietatis, ad lumenaria ipsius procuranda, more solito, per præceptum magnitudinis nostræ roboratum, concederemus in proprium.

Nos igitur saluberrimis implorationibus illorum assensum culminis nostri præbentes, hos regiae dignitatibus imperauimus apices fieri, per quos sancto & glorioſissimo Dionysio martyri, seu venerabili loco, quo idem conditus habetur, in pago nuncupante Fanomartinse, super fluuium qui vocatur Scaltus, mansum vnum ex fisco nostro Valentianas, quem Valentinus nomine Filcealinus ad defervendum possidet, ipsumque cum uxore sua, & infantibus illorum, ob amorem omnipotentis Dei ac beatissimi Dionysij reuerentiam, seu emolumentum animæ nostræ, ad proprium largimur, iure perpetuali inibi mansurum, ac de iure nostro & dominatione in potestatem ipsius loci tradimus atque transfundimus:

Quatenus per hoc eminentia nostræ præceptum, præscriptas res
K k &

& mancipia iam fata ecclesia B. Dionysij perpetuis teneat atque posse
fideat temporibus; faciatque iure proprietario quidquid elegerit vel
voluerit deinceps, sine cuiuslibet inquietudine aut repetitione.

Teloneum insuper ex iam dicto manso, cum riuatico suo, conce-
dimus, ut exinde & ex dominio memorata ecclesia S. Dionysij, siue
Congregationis inibi Deo regulariter famulantis, nullatenus telo-
neum à quolibet exigatur.

Et ut hæc nostræ largitionis concessionis auctoritas futuris tem-
poribus inviolabilem obtineat firmitatem, manu propria subterfir-
mauimus, & annuli nostri impressione iussimus assignari.

Signum HLOTHARTII gloriosissimi Regis.

Ego ERICAMBOLDVS, Regiæ dignitatis Cancellarius, recogno-
ui & subscripsi.

860. Data VII. Kalendas Februarij, anno, Christo propitio, regni
domni Hlotharij gloriosi Regis quinto, Indictione octaua.

Actum VALENTIANAS, palatio regio, in Dei nomine feliciter,
amen.

N O T A T I O N E S.

HLOTHARIVS) seu Lotharius, à quo Lotharingia nomen accepit,
Lotharij Imp. post monachi Prumiensis filius, primus Lotharingiæ
Rex, ex Theutberga coniuge liberos non sustulit. Ex Waldrada
concubina reliquit Hugonem, & Gislam siue Giselam, Godefrido
Normannorum Regi nuptam. Obiit an. 869. Placentiæ.

IN PAGO Fanomartinse seu Fanomartensi, ad Scaldum seu Scal-
dim fluuum. Fanum Martis, hodie *Famars*, vicus est Hannoniæ, pro-
pe Valentianas. Pars urbis Valentianensis, nobis Brabantis cis Scal-
dim, est in pago Fano-martensi, ac diœcesi Cameracensi. Altera
pars, nobis trans Scaldim, est in pago Ostrouandenſi ac diœcesi A-
trebatensi, & subest Archidiacono Ostrouandia.

VALENTIANÆ) seu Valentinianæ, à Valentiniano Imp. sic dicitur;
olim palatum regium (ut ex recitato diplomate liquet) nunc urbs
mercatu celebris ad Scaldim, proprios quondam Comites habuit,
in his Arnulfum, de quo infra dicemus. Hodie vulgo pars Han-
noniæ censetur.

CAPVT